



Broj: T18 0 KT 0017894 24
Brčko, 05.09.2025. godine

Optužnica potvrđena dana 10.09.2025. godine

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, podižem:

O P T U Ž N I C U

Protiv:

M. Z., rođen 1997. godine u Maoči,

Što je:

Dana 19.08.2024. godine, oko 13.10 časova, u ulici Dejtonska, Brčko distrikta BiH, upravljajući putničkim motornim vozilom marke „Audi“, registarskih oznaka ..., krećući se ulicom Dejtonska, iz pravca centra grada u pravcu Lončara, dolaskom u blizinu benzinske pumpe „Antunović“, postupio suprotno članu 36 stav (1) Zakona o osnovama bezbjednosti saobraćaja na putevima u Bosni i Hercegovini i članu 49 stav (1) istog zakona, svjestan da radnju skretanja ulijevo smije da počne samo ako se prethodno uvjerio da to može učiniti bez opasnosti za druge učesnike u saobraćaju ili imovinu, vodeći pri tome računa o položaju vozila i pravcu i brzini kretanja, te svjestan da je u susretu s drugim vozilom dužan da propusti vozilo koje dolazi s njegove desne strane, pa je i pored navedenog svjestan da time ugrožava javni saobraćaj i dovodi u opasnost život ljudi, olako cijeneći da do saobraćajne nezgode neće doći, započeo skretanje ulijevo na prostor navedene pumpe, bez prethodnog uvjerenja da to može učiniti bez opasnosti za druge učesnike u saobraćaju, presijecajući tako kolovoznu traku kojom se u tom u trenutku kretao motocikl marke „Honda“, bez registarskih oznaka, kojim je upravljao N. B., brzinom od oko 67,8 km/h, koji je izmicanjem motocikla udesno, prema prostoru benzinske pumpe „Antunović“ pokušao da spriječi kontakt, kojom prilikom se i vozilo „Audi“ kretalo u tom smjeru, uslijed čega je izvan kolovoza, na prostoru benzinske pumpe „Antunović“ došlo do kontakta prednjeg frontalnog dijela motocikla i prednjeg - frontalnog desnog dijela vozila „Audi“, pada N. B. na tlo s lijeve strane vozila „Audi“ i prevrtanja motocikla na desnu bočnu stranu, uslijed čega N. B. zadobija tešku tjelesnu povredu u vidu višefragmentnog preloma desne natkoljenice, prelom donjeg okrajka lijeve palčane kosti, prelom stilodnog nastavka desne lakatne kosti i više lakih tjelesnih povreda,

dakle, kao učesnik u saobraćaju na putevima, nije se pridržavao saobraćajnih propisa, pa je time iz nehata ugrozio javni saobraćaj da je doveo u opasnost život ljudi, zbog čega je kod drugog nastupila teška tjelesna povreda,

čime je učinio krivično djelo Ugrožavanje javnog saobraćaja iz člana 326 stav (3) u vezi sa stavom (1) Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.****
